

discipulorum patrata fuisse : *In illa autem hora multos curavit.*

2. — Dionysius Carthusianus ad sensum spiritualem recurrens, nobis, qualiter Salvator noster miracula ista mystice patraverit, insinuat his verbis : « Quomodo ista miracula spiritualiter fecerit, facile est pensare; spiritualiter enim cæci vident, dum Christo desuper radiante homines ab ignorantia errore vel infidelitate purgantur; surdi audiunt, dum rebelles verbo Dei obediunt; spiritualiter namque duritia obstinata mentis surditas appellatur; leprosi mundantur, dum a vitii gula atque luxurie homines expurgantur; claudi ambulantes, dum pigri et instabiles ad divina efficiuntur ferventes, claudicatione enim obliquitas affectionis; acedia, vel nutatio mentis accipitur, juxta illud libri Regum : *Uspuquo claudicationis in duas partes?* mortui quoque resurgunt, dum impii penitent; sed et pauperes evangelizantur, dum infirma et abjecta mundi, et ea que non sunt, prædicantur a Deo electa, ut fortia et superba confundantur. »

Mortui resurgunt.

3. — Cajetanus hæc verba de filio viduæ paulo ante resuscitato, nec non de suscitata Archisynagogi filia, intelligenda esse credit. Dionysius Carthusianus autem numerum mortuorum a Christo ad vitam resuscitatorum, adducto in medium S. Augustini testimonio incertum esse censet, eo quod multa miracula ab Evangelista minime conscripta fuerint; et quidem quod plures quam tres suscitaverit, ex hisce verbis deduci posse videtur, quia dum hæc verba dixit, miraculum illud celeberrimum in Lazari resuscitatione nondum patraverat, sed duo tantum supradicti mortui resuscitati fuerunt : « Si ergo Christus tempore hujus responsionis, non suscitat nisi duos, non dixisset forsitan tam absolute pluraliter mortui resurgunt, præsertim cum secundum Philosophum morte sit, in his que ad propriam commendationem pertinent, declinare ad minus, salva semper veritate. » Nunc vero Christum plures quam tres mortuos suscitasse, efficaci quadam ratione probat, quia nimirum miraculum, circa Lazarum patratum, tres Evangeliste silentio involunt præterierunt.

Pauperes evangelizantur.

4. — Isaias, lxi, 4, qui per antonomasiam Prophetæ Evangelice appellatur, eo quod omnes legis gratiæ eventus clarissime prædixerit, inter alia futuri Messie officia, ex ipsiusmet ore hoc unum esse dicit : *Ad annuntiandum mansuetis misit me, in Hebræo habetur : Ad evangelizandum pauperibus;* illis namque qui dixerunt : *Ece nos reliquimus omnia,* Evangelium a Christo primo omnium loco

annuntiatum fuit; ipsamet quoque experientia per omnia sæcula, illos, qui honorum terrenorum magis egeni sunt, celestium bonorum, qualia Evangelium annuntiat, magis capaces ad illaque magis dispositos esse ostendit.

5. — Lucas Brugensis, per hosce pauperes illos intelligit, qui ex voluntatis affectu vere tales existunt : « Pauperes spiritu, qui si opes habent aut honores, non illis cor apponunt, non ideo se pluris faciunt : si non habent, non supra modum desiderant, id est, qui se pauperes, miseros, viles atque abjectos esse cognoscunt, quales facilius sunt ei, qui nulla ac tenui fortuna sunt, quam qui splendida. »

6. — Refert S. Lucas, iv, 17, 18, quod, dum in Nazareth patria sua constitutus, sabbato in synagoga ingressus esset, surrexit legere, et tradidit illi liber Isaiæ Propheta, et ut recoleret librum, innotuit locum, ubi scriptum erat : *Spiritus Domini super me, propter quod unxit me, evangelizare pauperibus misit me.* Rationem autem cur specialiore pauperum mentione faciat, Lucas Brugensis hæc adfert : « Ut admoveat, quinam idonei sint ad accipiendum Evangelium, et percipiendum quæ illis offertur, et salutis et regni celorum gratiam, pauperes scilicet, id est, humiles, mansueti, afflicti, quales fere magis sunt pauperes, quam divites. » Jansenius idem hisce verbis advertebat, dum ait : « Hi capaces sunt evangelicæ doctrinæ, et obedientiæ fidei, ut enim superbia et ferocia contentiosa est, et ob id indocilis; ita contra mansuetudo docilem reddit. » Unde Jacobi, i, 21 : *In mansuetudine suscipite institutum verbum, quod potest salvare animas vestras.* Et Ecclesiæ, v, 13 : *Esto mansuetus ad audiendum Verbum Dei, ut intelligas.* S. Anselmus paucis verbis idem, vel saltem parum differens motivum adfert, dum ait : « Pauperes evangelizantur, id est, Evangelio convertuntur, non enim amant celestia, nisi qui contentum terrena. »

7. — Sanctus Hilarius, cap. xi, in *Mat.*, per hosce pauperes illos significari existimat, qui mortificantur, et crucis Redemptoris participes existunt. « Pauperes bene nuntiantur, id est, qui perdidit animam, qui crucem suam acceperunt, et sequentur, qui humiles spiritu fient, quorum regnum præparatur in celo. »

8. — Nec defuit qui diceret vocem *pauperes*, in sensu accommodatitio intelligi posse actiue, id est, *pauperes evangelizant*, siquidem unum ex majoribus divini omnipotentis, et sapientie prodigijs fuit, quod pauperes pisatores nudipedes, idiotæ, natalibus et professione viles et abjecti, Evangelio mediante totum mundum Evangelicæ legi comparant; Regesque et Monarchas ipsorum se pedibus obsequiosos adolvere fecerint, tributariosque Ecclesiæ constituerint. Comperito quod essent homines sine litteris et idiotæ, admirabantur. Act. v, 11.

9. — Cajetanus dicit : « Inter opera, inter miracula testificantia Messiam connumeratur, quod pauperes evangelizantur, hoc est, accipiunt bonum nuntium : notatque in hoc differentiam magnam, que inter Regnum Dei, et mundi, bona terræ et cæli intercedere cernitur : « Mundana bona communia annuntiantur magnatibus et divitibus mundi, et per illos derivantur ad reliquos pauperes, celestia autem bona, communia toti generi humano, annuntiantur pauperibus piscatoribus, et aliis hujusmodi sequacibus Jesu, et per illos derivantur ad alios, etiam mundi principes, ut experientia testata est. » S. Hieronymus, in *Matth.*, hæc apud Deum nostrum indifferentiam observat, quod acceptor non sit personarum, imo quod potius pauperes divitibus et potentibus anteponat : « Intellige pauperes spiritu, vel certe opibus pauperes, ut nulla inter nobiles et ignobiles inter divites et egenos in predicatione distantia sit : hæc magistri rigorem, hæc preceptorum corroborent veritatem, quando omnis apud eum, qui salvari potest, æqualis est. »

10. — Dionysius Carthusianus, hæc vocem *evangelizantur* ita declarat : « Hoc est, Evangelicæ lege et gratia instruantur. » Euthymius pariter dicit : « Pauperes letum accipiunt Evangelii nuntium. »

11. — Discipuli a Joanne ad Christum missi, de veritate quadam summi ponderis et momenti convincendi erant, nimirum quod Christus verus Dei filius et promissus in *Legè Messias* sit, ac proinde opere pretium esse censuit, eandem factis potius, miracula operando, quam verbis illis persuadere, illorumque mentibus imprimere. Unde S. Leo ait : « Facilis ad exhortandum sit ratio, efficax ad suadendum, validiora tamen sunt exempla quam verba, et plenius est opere docere quam voce. »

12. — Observari quoque potest, Christum non dixisse : Ego reddo lumen cæcis, mutis loquelam, auditum surdis, sed eum in tertia persona locutum fuisse : *Cæci vident, claudi ambulant;* idque ut nos doceret omnem nobis jactantiam et ostentationem propriam summe fugiendam esse.

13. — Porro Pharisei a Salvatore miracula petierunt, *Matth.*, xii, 38 : *Volumus a te signum videre;* at vero Christum audierant, hoc illos responso affantem : *Generatio mala et adultera signum quarit, et signum non dabitur ei;* hi autem discipuli S. Joannis, absque eo quod signa aliqua Christo exposerent, multa viderunt patrantem miracula, que clarè Christi divinitatem testabantur. Differentia autem utriusque in eo consistit, quod illis, ex miraculis Christi proficere, non fuerit animus, nec ex visis his in ipsum credere voluerunt; hi vero bono fine Christum convenerint, nimirum ut veritatem agnosceret, eamque sequi possent : *Respondit eis in via virtutis suæ. Psal.* c, 24.

14. — Denique si signum unde Filium Dei venisse perspicue cognoscere possumus, est, quod cæci oculos suo aperiendo vident, surdi vero promptly audiunt, timere juro merito possumus, Deum nobis non venisse, nisi aures et cor nostrum sanctis ejus inspirationibus aperiamus, aut nisi verum lumen receiverimus, sed potius in cæcitate et ignorantia nostra perseveremus : *Illuminat omnem hominem.*

Additiones.

a. — *Cæci vident, claudi ambulant,* leprosi mundantur, etc. Non ex inani titulo cæci dicendi sunt qui tum mundi, tum hominum adulatione eosque duci se sinunt, ut in quævis etiam gravissima peccata, velut cæci precipites ruant. Utinam hoc Christi miraculum hodie in multis spiritualiter cæcis vigeret, dum multi superiorum peccata quidem, sua suorumque cognoscunt nihilominus quasi cæci ea non viderent, emendare in se non curant, nec in aliis corruptum.

b. — Mirum valde est quod inter grandiora miracula in felici Evangelii tempore videnda, seriaticè recensentur quasi prodigiorum claudia, quod pauperes evangelisarentur, id est quod adsint concionatores, qui Evangelium pauperibus prædicent. Ita enim hoc locum intelligit S. Hieronymus dicens : « Pauperes autem evangelisatos, intellige opibus pauperes, ut nulla inter nobiles et ignobiles, inter divites et egenos, in predicatione distantia sit, quod præmissis non minus est. Nempè dum pauper æque ac dives evangelisatur non est minus miraculum quam cum cæci vident, leprosi mundantur. Pauper, inquam, opibus, a quo nihil lucri concionator expectet, qui evangelicæ sudoris mercedem retribuere non valet, qui eruditæ eloquentiæ plausus non possit muneribus adornare, hoc est miraculum, quod præmissis non minus est. Itane rarum est inveniri concionatorem qui sine spe lucri verba faciat ad pauperes? Tæceo, ne sordidi lucelli quemquam arguere videar. Audiant tamen prædicatores verbis doctrinam S. Bonaventuræ. Ex eo quod celestis Magister noster, discipulis suis ad Dei verbum seminandum aebuntibus, pecuniis in via portare vetierit, Doctor Seraphicus hæc deducit consequentiam, inquiens, in *Luc.* : « Litteralis observantia hujus præcepti est exemplum perfectorum prædicatorum perfecte Christum imitantium. In quorum persona Petrus dicit : *Ece nos reliquimus omnia.* » Sed spiritualis observantia ad omnes se extendit, « ut prædicator veritatis sit contemptor terrenitatis. Alioquin si annuntiant verbum Dei cupiditate inerti, non sunt discipuli Christi, sed Balsamarioli, secundum illud, *II Petri,* ii : *Cor exeuntium delevinquentes rectam viam.* Prædicator veritatis

I Cor., vi, 18, christianis impositum considerans, ad nostram instructionem ita scribit : « Cum aliis « vitii potest expectari confictus, hæc fugienda « est, quia aliter melius vinci non potest. » Cyprianus de hac materia tractans, nosque ad timendum, potius quam ad conficiendum de nobis animare volens ait : « Expedi plus bene timere, « quam male de se fidere, et utilius est, ut « infirmum se homo cognoscat, ut fortis existat, « quam fortis videri velit et infirmum emergat. » Et paulo post subdit : « Inestimabilis pietas, « ut timendo feminarum blandimenta vincamus. » *De Sing. Cler. x.* Ecclesiasticus iii, 27, dicit : *Qui amat periculum peribit in illo.* Et revera ita est : quisquis enim inimicum suum fugere valens et tamen in viribus suis confusus, eundem cum summo sui discrimine aggreditur, secure peribit. Unde Dionysius Carthusianus ait : « Qui amat periculum occasione, incurrit damnationem, nec potest peccata evadere qui non curat vitiorum occasiones effugere. » Quando Putipharis uxor Josephum aggrediebatur, pro committendo adulterio, videns ipse pallium suum ab ea apprehendi, eo in manibus adulteræ relicto, in fugam se recepit : sed numquid Joseph muliere ista robustior erat? Cur igitur non potius cum illa luctatus esset, ut pallium suum e manibus illius eriperet, sed potius relicto in manu ejus pallio fugit? Respondeo optime fecisse Josephum, quia in hoc castitatis prælio, nequaquam faciendæ est experientia virium nostrarum invadendo hostem, sed omnis hoc in prælio fortitudo nostra in fuga consistit. Virilis animus non præbet carnali concupiscentiæ consensum sed fugit omnes occasiones peccati.

VERSUS 8.

Sed quid existis videre? hominem mollibus vestitum? Ecce qui mollibus vestiuntur, in domibus Regum sunt.

Hominem mollibus vestitum?

1. — S. Paschasius dicit, Christum illis verbis, quisnam sit prædicationis Baptiste finis, turbas docere voluisse, quasi enim dicebat : « Non ex « prædicatione sua vanam captat gloriam, neque « vitæ singulari blanditur, ut mollibus vestiatur, « sed potius vos querit, qui quasi arundo intus « vacui, exteriori huc illucque flexibiles fulgetis. »
2. — S. Hilarius, cap. xi, in *Matth.*, hunc textum exponens dicit : « Eos, quibus per luxum fluida et « dissoluta sunt corpora, esse demonum habitatio- « nem. »
3. — S. Hieronymus, in *Matth.*, Christum hisce verbis populo sinistrum illum conceptum eximere voluisse docet, quem de Baptista facile sibi formare poterat, quasi invidiæ stimulis contra Christum

agitatur, vel applausus, et gloriæ humanæ avidus fuisset, ut sensus verborum Christi hic sit : « An « forsitan stimulis contra me invidiæ cogitur, et « prædicatione ejus vanam seculatorem gloriam, ut ex ea « querat lucra? Cur divitiis cupiat? Ut affluat « dapibus? locustis vescitur, et melle silvestri; an « ut mollibus vestiatur? pili camelorum tegumen « ejus sunt : istiusmodi cibus et vestis, carceris « hospiti recipiuntur, et prædicatione veritatis tale « habet habitaculum; qui autem adulatores sunt, et « sectantur lucra, et querunt divitiis, et deliciis « affluent, et mollibus vestiuntur, isti in domibus « Regum sunt; ex quo ostenditur rigidam vitam et « austeram prædicationem vitare debere aulas « Regum, et mollium hominum palatia declinare. »

4. — S. Thomas, in *Matth.*, in sensu spirituali per eos, qui delicate vestiuntur, adulatores intelligit : « Per homines, qui mollibus vestiuntur, significatur adulatores? ille enim mollibus vestiatur, qui « verbis blandis molitur, ut in omnes homines superbi querant gloriam. »

5. — Lyranus causam refert, cur multi hodie magnatibus blandiantur, nimirum ut de deliciis, voluptatibus, divitiis, et commoditatibus istorum participes se efficiant. « Homines veritatis talia aspernantur. » Valerius Maximus, lib. IV, de *Dio-gene*, narrat, quod eisdem herbas quasdam eluensis nonnemo dixerit, quod si Dionysio adulari voluissent, tales utique herbas non comederet; cui ille respondit : « Si tu ista edere velles, Dionysio adulari « nolles. »

6. — Doctor Angelicus hoc loco dubium movet, an exterior in vestibus pompa peccatum sit? Et ratio dubitandi est, quia de Epulone ad infernum condemnato, inter alia scribitur, quod indueretur purpura et bysso. « Respondit Augustinus, quod « talia non sunt considerata, sed affectus utentis; quilibet enim debet indui ad modum simul « convenientium; ideo magis consideranda est consuetudo; nam in aliquibus terris omnes, aut « plures induuntur serico; unde aliqui strictius se « induunt, aliqui latius, et utroque modo distinguuntur; si strictius et intentione bona, et hoc « est bonum; aut propter vanam gloriam, et hoc « est malum; si latius, et hoc propter superbiam, « et hoc est malum. » Vestes homini in peccati penam datæ fuerunt, ne scilicet de sua nuditate confunderetur, aut erubesceret. Unde Chrysostomus ait : « Quare; die obscuro, corpus ita ornas, et gaudes des ejuscemodi amicti? non cogitas, quod pro « magno supplicio, propter transgressionis signum « hoc excogitatum est? Tu circumfers pastum vermicium etque linearum. » Similiter si vestium consideres materiam, vel lanæ sunt, ex viriis animalium, vel sunt de sera, vermium excremento; vel ex pellibus excoctatarum bestiarum desumptæ sunt;

vel ex lino, planta nimirum intra aquas prius marcescente sunt contextæ; et quænam in his omnibus superbendi materia? optime igitur Bernardus ait : « Quid eis invidies, qui de operibus vermium, et « murium pellibus ingloriam pene gloriam mendicare non erubescunt? »

In domibus Regum sunt.

7. — Rupertus Abbas Tuitiensis ait : « Joannes « non in domo, sed in carcere Regis est; non aliter « admittitur in domo Regum, nisi ita, ut offeratur « caput ejus in disco, saltatrix præmium, saltationis nis pretium. »

8. — Paulus de Palatio, quoad dignitatem sancti Joannis, aliam quamdam considerationem instituit, dicens : « Ubi ego intelligo Joannem esse præpositum cunctis Regibus, cunctis Principibus, quantumvis auro fulgerent et gemmis, quasi diceret « Dominus: Merito Regum et Principum postpositis « oculis, existis videre Joannem, utpote qui est omni « Rege, et Principe videri dignior. »

VERSUS 9.

Sed quid existis videre? Prophetam? etiam dico vobis, et plus quam Prophetam.

1. — Lyranus observat, Prophetas in antiquo Testamento nominatos fuisse titulo *Videns*, lib. I, *Reg.*, ix, 9, legitur, quod, *Qui dicitur hodie Propheta, olim appellabatur Videns, quia Propheta videbant ea, quæ aliis erant occulta.* Unde colligitur quod S. Joannes merito plus quam Propheta fuerit appellatus : « Quia non solum Christum prævidit venturum, et prædixit sicut alii, sed etiam digilo ostendit. »

2. — Paulus de Palatio similiter excellentias et prerogativas considerat, quibus super alios Prophetas eminet, ait enim : « Ille plura in spiritualibus videt, qui majori lumine gaudet : at Joannes « majus lumen quam alii omnes possessit : vidit enim Filium Dei, vidit Spiritum descendantem, et super Christum manentem, vidit celos apertos, audivit Patris vocem, affertur testis a sanctissima Trinitate dicente : Super quem videris Spiritum, ipse est; affertur testis, ut universa « hominum salus ex unius hominis ore dependeat. »

Additio.

a. — *Sed quid existis videre? Hominem mollibus vestitum? Ecce, etc.* Mollibus vestiti dici possunt, in sensu accommodatissimo, quorum sermones molliti sunt super oleum, et ipsi sunt jacula, et sunt adulatores qui quidem Regibus et Principibus familiarissimi sunt, perpeluum et maximum tamen malum causant; eorum enim intellectum excoecant et veritatem ab eis abundanter quæ a paucis Principibus libenter

auscultatur. S. Antonius Magnus, in *Biblioth. Vester. Patrum*, reclus ait : « Quemadmodum corvi cada- « verum oculis effodiunt, sic adulatores suis laudibus hominum animos corrumpunt. » Significatur quoque adulatores per hirundines; hæ enim quandiu æstatis grata tempora durant, solque nobis vicinus adest, domos nostras incolunt, nosque cantus sui modulis et harmonia recreant; at vero, hieme appropinquante, aliud magis temperatum clima inquirunt. Idemque nobiscum faciunt qui adulantur.

VERSUS 10.

Hic est enim, de quo scriptum est: Ecce ego mitto Angelum meum ante faciem tuam, qui preparabit viam tuam ante te.

Mitto Angelum meum.

1. — Salvator noster usus est Malachie propheta, ad augendum meritum Præcursoris sui emulium; Sanctus Hieronymus, in *Catena*, dicit : « Angelum hic dici Joannem non putemus nature « societate, sed officii dignitate, id est, nuntium « qui venturum Dominum annuntiat. » Sanctus Gregorius, *ibidem*, notat, quod ubi in Græco legitur *Angelus*, in Latino habeatur *Nuntius* : « Recte ergo, « qui nuntiare supernam nuntium venerat, Angelus venerat, ut dignitatem servet in nomine, « quam explet in operatione. »

2. — S. Thomas, in *Joan.*, similitudinem adducit Regis alienius, magno cum comitatu in publicum procedentis : « Quando Rex vadit, præcedunt multi, « sed magis familiares præcedunt faciem suam; « sic Joannes honorabilior dicitur, quia missus ante « faciem ejus : tanto enim honorabilior, quanto « propinquior. »

Qui preparabit viam tuam ante te.

3. — Credibile est, Ecclesiam hoc Adventuali tempore, presentati Evangelio, eo præcipue fine uti, ut non solum nos de Messia adventu certiores efficiat, verum etiam ut quænam a nobis ad illi debita cum reverentia occurrendum, illumque recipiendum, præparationes adhibendæ sint, nobis clare significet. S. Joannes enim dignus ejus prodromus et præcursor fuit, de quo proinde dicit, quod *preparavit viam suam.* Porro modus hanc viam præparandi, divinum officium nobis in illa Antiphona insinuat, quæ dicitur : « In adventu summi Regis « mendentur corda hominum, ut digne ambulemus « in occursum illius. » Quis autem ex hoc capite dignius ipsi occurrere, dignioraque ad eum rite excipiendum peristomatam ornamenta præparare poterat S. Joanne? *Spiritu sancto repletur*, inquit de illo Archangelus, *adhuc ex utero matris suæ.*

